

*generaal - Avzeiger, Alvaanderfelu
"Van dit nu dat"*

Man wi düren hum driest ok sülvst stönen

PLATT De Vereen „Oostfreeske Taal“ – en fixe Stöönpahl för uns Platt

VON HELMUT COLLMANN

Siet Jahr un Dag is bi uns in Oostfreesland de Septem-bermaant ok „Plattdüüt-schmaant“. Besünners in de Tied organiseert dat Plattdüütschbüro van de Oostfreeske Landskupp för heel Oostfreesland „n Rieg Veranstaltens, um uns Plattdüütsch besünners heruttostellen un so to stönen. So finnen ji t. B. in d' GA elke Dag'n Notiz daa-ruver, in weffe Geschäften nett Platt proot word. Wat so mooi lett, is avers nich so licht hentokriegen. Du musst alltied weer Lüü finnen, de mitmaken un di ok wat Neejs utdenken, um dat Wark an d' Loop to hollen. Acht man maal daarup, un ji willen sehn, dat is düchtig vööl, wat daar smals so up de Padd brocht word.

Daar passt dann to, dat de Vereen „Oostfreeske Taal“ an de 4. September dit Jahr sien Ledenversam-meln in Oostgrootfehn harr. „Vereen „Oostfreeske Taal“? Ach ja, dat is doch de Vereen för oostfreeske Spraak un Kultur.“ Richtig! „Un Taal?“ Dat meent „Spraak“ of „Mundaard“. Gründt wurr de Vereen mit Sitz in Auerk 1990 van Johannes Diekhoff. Hans

Freese ut Ullbargen is in Moment de Vörsitter.

Is disse Vereen nu een van mehrend, de sük uns oostfreeske Platt up hör Fahnen schreven hebben? Ne, wiss nich! He will mehr. He will för uns Platt „n fixe, „n besünner Stöönpahl wesen. He will helpen, dat uns Taal mehr proot, mehr hört, mehr schreven un mehr lesen word. Daarbi will he all Medien (Boken, Dagbladen, Tiedschriften, Radio un Feernsehen) in't Oog hollen. Un wat dat Schrieven angeiht, daar will he vöranbringen, dat uns Platt na een Schrievwies schreven word. Un he will, dat de Wetenskup alltied na uns Platt kickt un dat Volk ok weten lett, wat daarbi herutkummt. Bovendien organiseert de Vereen egen Veranstaltens ok up Platt för uns plattdüüt-sche Spraak un uns oostfreeske Kultur. He helpt so-gaar mit Deiten, wenn Lüü ut de Wetenskup över Platt of in Platt schrieven willen. Haast 900 Leden ut Oostfreesland un van wieder weg sorgen mit hör Bidra-gen daarför, dat dat mögelk word. So steiht dat jeden-falls in sien Vereenssat-zung.

Un wat hett de Vereen in de leste Jahren daarvan

klaar kregen? Johannes Diekhoff un Kulantjes kun-nen nich ofkieken, wat sük „n paar Jahr later so updee: Internet un Apps up de Handys. Sünner disse mo-derne Technik kummt „n Spraak vandag gaar nich mehr so recht to hör Liek. De „Oostfreeske Taal“ hett avers bitieden mitkregen, dat dat fixe Slötels bünd, um uns Platt futtohelpen. Daarum gaff he Deiten-Stöön an de Oostfreeske Landskupp för dat plattdüütsch-hoogdüütsche On-line-Wordenbook (www.platt-wb.de), för dat Digitaliseren van de Buur-man-Woordenboken un för de neje App, mit de man Plattproten lehren kann (=PlattinO). Wi könnt mar-ken, dat disse moderne Warktügen uns Platt düch-dig up't Peerd helpen. De Online-Woordenbook t. B. wurr in 2020 woll 500.000mal anklickt, und dat nich blot ut Düütsch-land – haast nicht to glö-ven. Sünner de Stöön dör de „Oostfreeske Taal“ was dat man nix worden: In de leste teihn Jahr hett he in't Geheel ruugweg 125.000 Euro to de dree Projekten bidragen!

Man dat nu nich de Me-nen upkummt, de „Oost-freeske Taal“ verdeelt blot

Geld, Geld, dat de Leden mit hör Vereensbidrag in-betahlt hebben.

Wiss nich! Hülپ för plattdüütsche Literatur un Mu-sik steiht bi hum ok hoog in Kurs nett so as för plattdüütsche Hör- un Lesebo-ken för Kinner (Vereensle-den können disse Saken butendeem in d' Internet-Vereens-Shop mit Rabatt kopen). Man he warkt ok up anner Aard un Maneer för dat oostfreeske Platt-düütsch: Elke Jahr tekend he en Person ut Oostfrees-land ut, de sük besünners um uns Plattdüütsch ver-deent makt hett: mit de Keerlke-Pries. Genaus daa-ruver un noch Eniges mehr findt man smals in de Ve-reens-Newsletter „Platt-Bladd“. Ok, waar man sük to de Kuntreiversammeln trefft, t. B. in Leer. Un wen-neh un waar Volkstheater up Platt spöölt word.

Ji sehnt, de Vereen deit bannig vööl för uns Platt un uns oostfreeske Kultur. Mooi, dat dat de „Oost-freeske Taal“ giff. Man hum to stönen is ok wat heel Godes. Wenn ji mehr weten of so-gaar Lidd un sülvst Stöönpahl worden willen, hier de Kuntakten: Telefon 04941/69811290 un Mail: oostfreeske.taal@ewetel.net.